



周禮白文  
一

□ 12  
2020  
1



12  
2320  
1

周禮正義序

宋書

水去五味均平藏

夫天育蒸民無主則亂立君治亂事資賢  
輔但天皇地皇之日無事安民降自燧皇  
方有臣矣是以易通卦驗云天地成位君  
臣道生君有五期輔有三名註云三名公  
卿大夫又云燧皇始出握機鉅表計實其  
刻日蒼牙通靈曹之成孔演命明道經註  
云拒燧皇謂人皇在伏羲前風姓始王天

3  
4  
5  
6  
7  
8  
9  
10  
11  
12

下者斗機云所謂人皇九頭兄弟九人別  
長九列者也是政教君臣起自人皇之世  
至伏羲因之故文耀鉤云伏羲作易各官  
者也又案論語撰考云黃帝受地形象天  
文以制官伏羲已前雖有三名未必具立  
官位至黃帝名位乃具是以春秋緯命曆  
序有九頭紀時有臣無官位尊卑之別燧  
皇伏羲既有官則其間九皇六十四氏有

官明矣但無文字以知其官號也案左傳  
昭十七年云秋鄰子來朝公與之宴昭字  
問焉曰少皞氏鳥名官何故也杜氏註云  
少皞金天氏黃帝之子己姓之祖也鄰子  
曰吾祖也我知之昔者黃帝氏以雲紀故  
為雲師而雲名註云黃帝軒轅氏姬姓之  
祖也黃帝受命有雲瑞故以雲紀事百官  
師長皆以雲為名號縉雲氏蓋其一官也

炎帝氏以火紀故為火師而火名註云炎  
帝神農氏姜姓之祖也亦有火瑞以火紀  
事名百官也共工氏以水紀故為水師而  
水名註云共工以諸侯霸有九州者在神  
農前大皞後亦受水瑞以水名官也大皞  
氏以龍紀故為龍師而龍名註云大皞伏  
羲氏風姓之祖也有龍瑞故以龍命官也  
我高祖少皞摯之立也鳳鳥適至故紀於

鳥故為鳥師而鳥名又云鳳鳥氏歷正之  
類又以五鳥五鳩九扈五雉並為官長亦  
皆有屬官但無文以言之若然則自上以  
來所云官者皆是官長故皆云師以目之  
又云自顓頊以來不能紀遠乃紀於近是  
以少皞以前天下之號象其德百官之號  
象其徵顓頊以來天下之號因其地百官  
之號因其事事即司徒司馬之類是也若

然前少皞氏言祝鳩氏為司徒者本名祝鳩言司徒者以後代官况之自少皞以上官數略如上說顓頊及堯官數雖無明說可略而言之矣案昭二十九年魏獻子曰社稷五祀誰氏之五官蔡墨對曰少皞氏有四叔曰重曰該曰脩曰熙實能金木及水使重為句芒該為蓐收脩及熙為玄冥世不失職遂濟窮桑此其三祀也註云窮

桑帝少皞之號也顓頊氏有子曰稷為祝融共工氏有子曰句龍為后土此其二祀也后土為社稷田正也有烈山氏之子曰柱為稷自夏以上祀之周棄亦為稷自商以來祀之故外傳稷為高辛氏之次正此皆顓頊時之官也案鄭語云重黎為高辛氏次正故堯典註高辛氏之世命重為南正司天稷為火正司地以高辛與顓頊相

繼無隔故重犁事顓頊又事高辛若稷契  
與禹事堯又事舜是以昭十七年服註顓  
頊之下云春官為木正夏官為火正秋官  
為金正冬官為水正中官為土正高辛氏  
因之故傳云遂濟窮桑窮桑顓頊所居是  
度顓頊至高辛也若然高辛時之官唯有  
重犁及春之木正之等不見更有餘官也  
至於堯舜官號稍改楚語云堯復育重犁

之後重犁之後即羲和也是以堯典云乃  
命羲和註云高辛之世命重為南正司天  
犁為火正司地堯育重犁之後羲和氏  
之子賢者使掌舊職天地之官亦紀於近  
命以民事其時官名蓋曰稷司徒是天官  
稷也地官司徒也又云分命羲仲申命羲  
叔分命和仲申命和叔使分主四方註仲  
叔亦羲和之子堯既分陰陽四時又命四

子為之官掌四時者字曰仲叔則掌天地者其曰伯乎是有六官案下驩堯曰共工註共工水官也至下舜求百揆禹讓稷契暨咎繇帝曰棄黎民阻饑汝后稷播時百穀註稷棄也初堯天官為稷又云帝曰契百姓不親汝作司徒又云帝曰咎繇汝作士此三官是堯時事舜因禹讓述其前功下文云舜命伯夷為秩宗舜時官也以先

後參之唯無夏官之名以餘官約之夏傳云司馬在前又後代况之則羲叔為夏官是司馬也故分命仲叔註云官名蓋春為秩宗夏為司馬秋為士冬為共工通稷與司徒是六官之名見也鄭玄分陰陽為四時者非謂時無四時官始分陰陽為四時但分高辛時重黎之天地官使兼主四時取而云仲叔故云掌天地者其曰伯乎若

然堯典云伯禹作司空四時官不數之者  
鄭云初堯冬官為共工舜舉禹治水堯知  
其有聖德必成功故改命司空以官名寵  
異之非常官也至禹登百揆之任捨司空  
之職為共工與虞故曰垂作共工益作朕  
虞是也案堯典又云帝曰疇咨若時登庸  
鄭註云堯末時羲和之子皆死庶績多闕  
而官廢當此之時驩兜共工更相薦舉下

又云帝曰四岳湯湯洪水有能俾乂鄭云  
四岳四時之官主四岳之事始羲和之時  
主四岳者謂之四伯至其死分岳事置八  
伯皆王官其八伯唯驩兜共工放齊廢四  
人而已其餘四人無文可知案周官云唐  
虞稽古建官惟百內有百揆四岳則四岳  
之外更有百揆之官者但堯初天官為稷  
至堯誅舜天官之任謂之百揆舜即真之



後命禹為之即天官也案尚書傳云惟元  
 祀巡狩四岳八伯註云舜格文祖之年堯  
 始以羲和為六卿春夏秋冬者并掌方岳  
 之事是為四岳出則為伯其後稍死驩堯  
 共工求代乃置八伯元祀者除堯喪即真  
 之年九列言八伯者據畿外八列鄭云畿  
 內不置伯鄉遂之吏主之案明堂位云有  
 虞氏官五十夏后氏官百殷二百周三百

鄭註云有虞氏官蓋六十夏百二十殷二  
 百四十周三百六十不得如此記也昏義  
 云三公九卿二十七大夫八十一元士鄭  
 云蓋夏制依此差限故不從記文但虞官  
 六十唐則未聞堯舜道同或皆六十并屬  
 官言之則皆有百故成王周官云唐虞建  
 官惟百也若然自高陽已前官名略言於  
 上至於帝嚳官號略依高陽不可具悉其

唐虞之官惟四岳百揆與六卿又堯典有  
典樂納言之職至於餘官未聞其號夏官  
百有二十公卿大夫元士具列其數殷官  
二百四十雖未具顯案下曲禮云六大五  
官六府六工之等鄭皆云殷法至於屬官  
之號亦蔑云焉案昏義云三公九卿者六  
卿并三孤而言凡其三公又下兼六卿故  
書傳云司徒公司馬司空公各兼二卿

案顧命太保領冢宰畢公領司馬毛公領  
司空別有芮伯為司徒彤伯為宗伯衛侯  
為司空則周時三公各兼一卿之職與古  
異矣但周監二代郁々乎文所以象天立  
官而官益備此即官號沿革粗而言也

序周禮廢興

周公制禮之日禮教興行後至幽王禮儀  
 紛亂故孔子云諸侯專行征伐十世不  
 失鄭註云亦謂幽王之後也故晉侯趙簡  
 子見儀皆謂之禮孟僖子又不識其儀也  
 至於孔子更脩而定之時已不具故儀禮  
 註云後世衰微幽厲尤甚禮樂之書稍廢  
 棄孔子曰吾自衛及於魯然後樂正雅頌

各得其所謂當時在者而後重雜亂者也  
 惡能存其亡者乎至孔子卒後復更散亂  
 故藝文志云昔仲尼沒微言絕七十二第  
 子喪而大義乖諸子之書紛然散亂至秦  
 患之乃燔滅文章以愚黔首又云禮經三  
 百威儀三千及周之衰諸侯將踰法度惡  
 其周亡滅去其籍自孔子時而不具至秦  
 大壞漢興至高堂生博士傳十七篇孝宣

世后倉最明禮戴德戴聖慶普皆其弟字  
三家立於學官案儒林傳漢興高堂生傳  
禮十七篇而魯徐生善為容孝文時徐生  
以容為禮官大夫而瑕丘蕭奮以禮至淮  
陽太守孟卿東海人也事蕭奮以授后倉  
后倉說禮數篇言號曰后氏曲臺記授戴  
德戴聖鄭云五傳弟字則高堂生蕭奮孟  
卿后倉戴德戴聖是為五也此所傳者謂

十七篇即儀禮也周官孝武之時始出秘  
而不傳周禮後出者以其始皇特惡之故  
也是以馬融傳云秦自孝公已下用商君  
之法其政酷烈與周官相反故始皇禁挾  
書持疾惡欲絕滅之搜求焚燒之獨悉是  
以隱藏百年孝武帝始除挾書之律開獻  
書之路既出於山巖屋壁復入于秘府五  
家之儒莫得見焉至孝成皇帝達才通人

劉向子歆校理秘書始得列序著于錄略  
然亡其冬官一篇以考土記足之時衆儒  
並出共排以為非是唯歆獨識其年尚幼  
務在廣覽博觀又多銳精于春秋末耳乃  
知其周公致太平之迹具在斯奈遭天下  
倉卒兵革並起疾疫喪荒第字死喪徒有  
里人河南緱氏杜子春尚在永平之初年  
但九十家于南山能通其讀頗識其說鄭

衆賈逵往受業焉衆逵洪雅博聞又以經  
書記轉相證明為解逵解行於世衆解不  
行兼攬二家為備多所遺闕然衆時所解  
說近得其實獨以書序言成王既黜殷命  
還歸在豐作周官則此周官也失之矣逵  
以為六鄉大夫則家宰以下及六遂為十  
五篇家組千里之地甚謬焉此比多多吾  
甚閔之矣六鄉之人實居四同地故云

經千里之地者誤矣又六鄉大夫冢宰以  
所非者不著又云多者如此解不著  
者多又云至六十為武都守郡少事乃  
述平生之志著易尚書詩禮傳皆訖惟念  
前業未畢者唯周官年六十有六月瞑意  
僕自力補之謂之周官傳也案藝文志云  
成帝時以書頗散亡使謁者陳農求遺書  
于天下詔光祿大夫劉向校書經傳諸字

詩賦向輒條其篇目撮其指意錄而奏之  
會向卒哀帝復使向子歆卒父業歆於是  
總羣書奏其七略故有六藝七略之屬歆  
之錄在於哀帝之時不審馬融何云至孝  
成皇帝命劉向子歆考理秘書始得列序  
著於錄略者成帝之時蓋劉向父子並被  
帝命至向卒哀帝命歆卒父所脩者故今  
文亦理則是也故鄭玄序云世祖以來通

人達士大中大夫鄭少贛名興及子大司  
 農仲師名衆故議郎衛次仲侍中賈君景  
 伯南郡太守馬季長皆作周禮解詁又云  
 玄竊觀二三君子之文章顧者竹帛之浮  
 辭其所變易灼然如晦之見明其所彌縫  
 奄然如合符復析斯可謂雅達廣攬者也  
 然猶有參錯同事相違則就其源文字之  
 聲類考訓詁据秘逸謂二鄭者同宗之大

儒明理于典籍痛識皇祖大經周官之義  
 存古字發疑正讀亦信多善徒寡且約用  
 不顯傳于世今讚而辨之庶成此家世所  
 訓也○其名周禮為尚書周官者周天子  
 之官也書序曰成王既黜殷命滅淮夷還  
 歸在豐作周官是言蓋失之矣案尚書盤  
 庚康誥說命泰誓之屬三篇序皆云某作  
 若干篇今多者不過三千言又書之所作

據時事為辭君臣相誥命之語作周官之時周公又作立政上下之別正有一篇周禮乃六篇文異數萬終始辭句非書之類難以屬之時有若茲焉得從諸又云斯道也文武所以綱紀周國君臨天下周公定之致隆平龍鳳之瑞然則周禮起於成帝劉歆而成于鄭玄附離之者大半故林孝存以為武帝知周官末世瀆亂不驗之書

故作十論七難以排棄之何休亦以為六國陰謀之書唯有鄭玄徧覽郡經知周禮者乃周公致太平之迹故能答林碩之論難使周禮義得條通故鄭氏傳曰玄以為括囊大典網羅衆家是以周禮大行後主之法易曰神而化之存乎其人此之謂也





內府	外府	司會	司書	職內
職歲	職幣	司裘	掌皮	內宰
內小臣	內閹人	禁寺人	內豎	九嬪
世婦	女御	女祝	女史	典婦功
典絲	典泉	內司服	縫人	染人
追師	屨人	夏采	采人	甸人



周禮

天官冢宰

惟王<sup>タテ</sup>建<sup>タテ</sup>國<sup>クニ</sup>辨<sup>ハカ</sup>方<sup>カタ</sup>正<sup>ただ</sup>位<sup>チ</sup>體<sup>テ</sup>國<sup>クニ</sup>經<sup>ス</sup>野<sup>ノ</sup>設<sup>ケ</sup>官<sup>カミ</sup>分<sup>カ</sup>職<sup>ヲ</sup>

以<sup>テ</sup>為<sup>ス</sup>民<sup>ヲ</sup>極<sup>ト</sup>乃<sup>チ</sup>立<sup>テ</sup>天<sup>ノ</sup>官<sup>カミ</sup>冢<sup>ノ</sup>宰<sup>ヲ</sup>使<sup>シ</sup>帥<sup>シ</sup>其<sup>ノ</sup>屬<sup>ヲ</sup>而<sup>シ</sup>掌<sup>ル</sup>

邦<sup>ヲ</sup>治<sup>ム</sup>以<sup>テ</sup>佐<sup>ケ</sup>王<sup>ヲ</sup>均<sup>シ</sup>邦<sup>ノ</sup>國<sup>ヲ</sup>

大<sup>ノ</sup>宰<sup>ノ</sup>之<sup>ノ</sup>職<sup>ヲ</sup>掌<sup>ル</sup>建<sup>テ</sup>邦<sup>ノ</sup>之<sup>ノ</sup>六<sup>ノ</sup>典<sup>ヲ</sup>以<sup>テ</sup>佐<sup>ケ</sup>王<sup>ヲ</sup>治<sup>ム</sup>邦<sup>ノ</sup>國<sup>ヲ</sup>

一<sup>ノ</sup>曰<sup>ク</sup>治<sup>ム</sup>典<sup>ヲ</sup>以<sup>テ</sup>經<sup>ス</sup>邦<sup>ノ</sup>國<sup>ヲ</sup>以<sup>テ</sup>治<sup>ム</sup>官<sup>ノ</sup>府<sup>ヲ</sup>以<sup>テ</sup>紀<sup>ス</sup>萬<sup>ノ</sup>民<sup>ヲ</sup>

二<sup>ノ</sup>曰<sup>ク</sup>教<sup>ム</sup>典<sup>ヲ</sup>以<sup>テ</sup>安<sup>シ</sup>邦<sup>ノ</sup>國<sup>ヲ</sup>以<sup>テ</sup>教<sup>ム</sup>官<sup>ノ</sup>府<sup>ヲ</sup>以<sup>テ</sup>擾<sup>ス</sup>萬<sup>ノ</sup>民<sup>ヲ</sup>

三曰禮典以和邦國以統百官以諧萬民  
 四曰政典以平邦國以正百官以均萬民  
 五曰刑典以詰邦國以刑百官以糾萬民  
 六曰事典以富邦國以任百官以生萬民  
 以八灋治官府一曰官屬以舉邦治二曰  
 官職以辨邦治三曰官聯以會官治四曰  
 官常以聽官治五曰官成以經邦治六曰  
 官灋以正邦治七曰官刑以糾邦治八曰

官計以弊邦治  
 以八則治都鄙一曰祭祀以馭其神二曰  
 灋則以馭其官三曰廢置以馭其吏四曰  
 祿位以馭其士五曰賦貢以馭其用六曰  
 禮俗以馭其民七曰刑賞以馭其威八曰  
 田役以馭其衆  
 以八柄詔王馭羣臣一曰爵以馭其貴二  
 曰祿以馭其富三曰予以馭其幸四曰置

以馭其行五曰生以馭其福六曰奪以馭其貪七曰廢以馭其罪八曰誅以馭其過以八統詔王馭萬民一曰親親二曰敬故三曰進賢四曰使能五曰保庸六曰尊貴七曰達吏八曰禮賓九曰職任萬民一曰三農生二曰穀三曰園圃毓草木三曰虞衡作山澤之材四曰藪牧養蕃鳥獸五曰百土飭化八材六曰商賈阜通貨賄七曰嬪婦化治絲枲八曰臣妾聚斂疏材九曰間民無常職轉移執事以九賦斂財賄一曰邦中之賦二曰四郊之賦三曰郊甸之賦四曰家削之賦五曰邦縣之賦六曰邦都之賦七曰關市之賦八曰山澤之賦九曰幣餘之賦以九式均節財用一曰祭祀之式二曰賓客之式三曰喪葬之式四曰羞服之式五

賈阜通貨賄七曰嬪婦化治絲枲八曰臣妾聚斂疏材九曰間民無常職轉移執事以九賦斂財賄一曰邦中之賦二曰四郊之賦三曰郊甸之賦四曰家削之賦五曰邦縣之賦六曰邦都之賦七曰關市之賦八曰山澤之賦九曰幣餘之賦以九式均節財用一曰祭祀之式二曰賓客之式三曰喪葬之式四曰羞服之式五

曰工事之式六曰幣帛之式七曰芻秣之  
式八曰匪頒之式九曰好用之式  
以九貢致邦國之用一曰祀貢二曰嬪貢  
三曰器貢四曰幣貢五曰材貢六曰貨貢  
七曰服貢八曰旉貢九曰物貢  
以九兩繫邦國之民一曰牧以地得民二  
曰長以貴得民三曰師以賢得民四曰儒  
以道得民五曰宗以族得民六曰主以利

得民七曰吏以治得民八曰友以任得民  
九曰藪以富得民  
正月之吉始和布治于邦國都鄙乃縣治  
象之灋于象魏使萬民觀治象挾白而飲  
之  
乃施典于邦國而建其牧立其監設其參  
傳其伍陳其殷置其輔乃施則于都鄙而  
建其長立其兩設其伍陳其殷置其輔乃

施法于官府而建其正立其貳設其政陳  
 其殷置其輔  
 凡治以典待邦國之治以則待都鄙之治  
 以灋待官府之治以官成待萬民之治以  
 禮待賓客之治  
 祀五帝則掌百官之誓戒與其具脩前期  
 十日帥執事而卜日遂戒及執事既滌濯  
 及納亨贊王牲事及祀之日贊玉幣爵之



事祀大神祗亦如之享先王亦如之贊玉  
 儿玉爵  
 大朝覲會同贊玉幣玉獻玉儿玉爵大喪  
 贊贈玉含玉作大事則戒于百官贊王命  
 王眡治朝則贊聽治眡四方之聽朝亦如  
 之凡邦之小治則冢宰聽之待四方之賓  
 客之小治歲終則令百官府各正其治受  
 其會聽其致事而詔王廢置三歲則大計

羣吏之治而誅賞之

小宰之職掌建邦之官刑以治王官之政  
令凡官之糾禁掌邦之六典八灋八則之  
貳以逆邦國都鄙官府之治執邦之九貢  
九賦九式之貳以均財節邦用  
以官府之六叙正群吏一曰以叙正其位  
二曰以叙進其治三曰以叙作其事四曰  
以叙制其食五曰以叙受其會六曰以叙

聽其情

以官府之六屬舉邦治一曰天官其屬六  
十掌邦治大事則從其長小事則專達二  
曰地官其屬六十掌邦教大事則從其長  
小事則專達三曰春官其屬六十掌邦禮  
大事則從其長小事則專達四曰夏官其  
屬六十掌邦政大事則從其長小事則專  
達五曰秋官其屬六十掌邦刑大事則從

其長ニ小事則專達ス六曰冬官其屬六十掌  
 邦事大事則從チ其長ニ小事則專達ス  
 以官府之六職辨邦治一曰治職以平邦  
 國以均ニ萬民以節財用二曰教職以安邦  
 國以寧ニ萬民以懷賓客三曰禮職以和邦  
 國以諧ニ萬民以事鬼神四曰政職以服邦  
 國以正ニ萬民以聚百物五曰刑職以詰邦  
 國以糾ニ萬民以除盜賊六曰事職以富邦

國以養ニ萬民以生百物  
 以官府之六職合邦治一曰祭祀之聯事  
 二曰賓客之聯事三曰喪荒之聯事四曰  
 軍旅之聯事五曰田役之聯事六曰飮弛  
 之聯事凡小事皆有聯  
 以官府之八成經邦治一曰聽政役以比  
 居二曰聽師田以簡ニ誓三曰聽閭里以叙  
 圖四曰聽稱責以傳別五曰聽祿位以禮



命六曰聽取予以書契七曰聽賣買以質  
劑八曰聽出入以要會  
以聽官府之六計弊羣吏之治一曰廉善  
二曰廉能三曰廉敬四曰廉正五曰廉法  
六曰廉辯以法掌祭祀朝覲會同賓客之  
戒具軍旅田役喪荒亦如之七事者令百  
官府共其財用治其施舍聽其治訟  
凡祭祀贊玉幣爵之事裸將之事凡賓客

贊裸凡受爵之事凡受幣之事喪荒受其  
含襚幣玉之事  
月終則以官府之叙受群吏之要贊冢宰  
受歲會歲終則令羣吏致事正歲帥治官  
之屬而觀治象之灋狗以木鐸曰不用灋  
者國有常刑乃退以官刑憲禁于王官令  
于百官府曰各修乃職攷乃灋待乃事以  
聽王命其有不共則國有大刑

宰夫之職掌治朝之灋以正王及三公六卿大夫羣吏之位掌其禁令叙羣吏之治以待賓客之令諸侯之復萬民之逆掌百官府之徵令辨其八職一曰正掌官灋以治要二曰師掌官成以治凡三曰司掌官法以治目四曰旅掌官常以治數五曰府掌官契以治藏六曰史掌官書以贊治七曰胥掌官叙以治叙八曰徒掌官令

以徵令  
 掌治灋以致百官府羣都縣鄙之治乘其財用之出入凡失財用物辟名者以官刑詔冢宰而誅之其足用長財善物者賞之以式灋掌祭祀之戒具與其薦羞從大宰而砥滌濯凡禮事贊小宰比官府之具凡朝覲會同賓客以宰禮之法掌其宰禮委積膳獻飲食賓賜之殮奉與其陳數凡邦

之弔事掌其戒令與其幣器財用凡所共  
者大喪小喪掌小官之戒令帥執事而治  
之三公六卿之喪與職喪帥官有司而治  
之凡諸大夫之喪使其旅帥有司而治之  
歲終則令羣吏正歲會月終則令正月要  
旬終則令正日成而以攷其治治不以時  
舉者以告而誅之正歲則以法警戒羣吏  
令脩官中之職事書其能者與其良者而

以告于上

官正掌王官之戒令糾禁以時比官中之  
官府次舍之衆寡為之版以待又擊柝而  
比之國有故則令宿其比亦如之辨內外  
而時禁誓其功緒糾其德行幾其出入均  
其稍食去其淫怠與其音衰之民會其什  
伍而教之道藝月終則會其稍食歲終則  
會其行事凡邦之大事令于王官之官府

次舍無去守而聽政令春秋以木鐸修火  
禁凡邦之事蹕官中廟中則執燭大喪則  
授廬舍辨其親疎貴賤之居  
官伯掌王宮之士廢子凡在啟者掌其政  
令行其秩叙作其徒役之事授八次八舍  
之職事若國有大事作官衆則令之月終  
則均秩歲終則均叙以時頒其衣裳掌其  
誅賞

膳夫掌王之食飲膳羞以養王及后世子  
凡王之饋食用六穀膳用六牲飲用六清  
羞用百有二十品珍用八物醬用百有二  
十壘王日一舉鼎十有二物皆有俎以樂  
侑食膳夫授祭品嘗食王乃食卒食以樂  
徹于造王齊日三舉大喪則不舉大荒則  
不舉大札則不舉天地有災則不舉邦有  
大故則不舉王燕食則奉膳贊祭凡王祭

祀賓客食則徹王之胙俎凡王之稍事設  
 薦脯醢王燕飲酒則為獻主掌后及世子  
 之膳羞凡肉脩之頒賜皆掌之凡祭祀之  
 致福者受而膳之以摯見者亦如之歲終  
 則會唯王及后世子之膳不會  
 庖人掌共六畜六獸六禽辨其名物凡其  
 死生麤蕘之物以共王之膳與其薦羞之  
 物及后世子之膳羞共祭祀之好羞共喪

紀之庶羞賓客之會獻凡令禽獻以法授  
 之其出入亦如之凡用禽獻春行羔豚膳  
 膏香夏行腍鱠膳膏臊秋行犢麋膳膏腥  
 冬行羶羽膳膏臄歲終則會唯王及后之  
 膳禽不會  
 內饗掌王及后世子膳羞之割亨煎和之  
 事辨體各肉物辨百品味之物王舉則陳  
 其鼎俎以牲體實之選百羞醬物珍物以

俟饋共后及世字之膳羞辨腥臊膾膾香之  
 不可食者牛夜鳴則齎羊冷毛而毳羶犬  
 赤股而躁臊鳥白鵪色而沙鳴豕盲眦而  
 交睫腥馬黑脊而般臂蠖凡宗廟之祭祀  
 掌割亨之事凡燕飲酒亦如之凡掌共羞  
 脩刑膾胛骨鱠以待共膳凡王之好賜肉  
 脩則養人共之  
 外饗掌外祭祀之割亨共其脯脩刑膾陳

其鼎俎實之牲體魚腊凡賓客之殮饗饗  
 食之事亦如之邦饗者老孤字則掌其割  
 亨之事饗士庶字亦如之師役則掌共其  
 獻賜脯肉之事凡小喪紀陳其鼎俎而實  
 之  
 亨人堂共鼎鑊以給水火之齊職外內饗  
 之饗亨煮辨膳羞之物祭祀共大羹鉶羹  
 賓客亦如之

甸師掌師其屬而耕耨王藉以時入之以  
 共盛盛祭祀共蕭茅共野果蔬之薦喪事  
 代王受冓裁王之同姓有辜則死刑焉師  
 其徒以薪蒸役外內饗之事  
 獸人掌罟田獸辨其名物冬獻狼夏獻麋  
 春秋獻獸物時田則守罟及弊田念禽注  
 于虞中凡祭祀喪紀賓客共其死獸生獸  
 凡獸入于腊人皮毛筋骨入于玉府凡田

獸者掌其政令  
 獸人掌以時獻為梁春獻王鮪辨魚物為  
 魚鱸菟以共王膳羞凡祭祀賓客喪紀共其  
 魚之鱸菟凡獻者掌其政令凡獻征入于  
 玉府  
 鼈人掌取互物以時籍魚鼈龜蜃凡狸物  
 春獻鼈蜃秋獻龜魚祭祀共蠹羸蚘以授  
 醢人掌凡邦之籍事

腊人掌乾肉凡田獸之脯腊膾胖之事凡  
 祭祀共豆脯薦脯膾胖凡腊物賓客喪紀  
 共其脯腊凡乾肉之事  
 醫師掌醫之政令聚毒藥以共醫事凡邦  
 之有疾病者死瘍者造焉則使醫分而治  
 之歲終則稽其醫事以制其食十全為上  
 十失一次之十失二次之十失三次之十  
 失四為下

食醫掌和王之六食六飲六膳百羞百醬  
 八珍之齊凡食齊眠春時羹齊眠夏時醬  
 齊眠秋時飲齊眠冬時丸和春多酸夏多  
 苦秋多辛冬多鹹調以滑甘凡會膳食之  
 宜牛宜稌羊宜黍豕宜稷犬宜粱鴈宜麥  
 魚宜苽凡君宇之食恒放焉  
 疾醫掌養萬民之疾病四時皆有癘疾春  
 時有瘡首疾夏時有瘡疥疾秋時有癘寒



疾冬時有嗽上氣疾以五味五穀五藥養其病以五氣五聲五色眠其死生兩之以九數之變參之以九藏之動凡民之有疾病者分而治之死終則各書其所以而入于醫師

瘍醫掌腫瘍潰瘍金瘍折瘍之祝藥劑殺之齊凡療瘍以五味節之凡藥以酸養骨以五藥療之以五味節之凡藥以酸養骨以

辛養筋以鹹養肌以苦養氣以甘養肉以滑養竅凡有瘍者受其藥焉

獸醫掌療獸病療獸瘍凡療獸病灌而行之以節之以動其氣觀其所發而養之凡療獸瘍灌而劑之以發其惡然後藥之養之食之凡獸之有病者有瘍者使療之死則計其數以進退之

酒正掌酒之政令以式法授酒材凡為公

酒者亦如之辨五齊之名一曰泛齊二曰醴齊三曰盎齊四曰緹齊五曰沈齊辨三酒之物一曰事酒二曰昔酒三曰清酒辨四飲之物一曰清二曰醫三曰漿四曰醕掌其厚薄之齊以共王之四飲三酒之饌及后世子之飲與其酒九祭祀以法共五齊三酒以實八尊大祭三載中祭再載小祭壹載皆有酌數唯齊酒不載皆有器量

共賓客之禮酒共后之致飲于賓客之禮醫醕糟皆使其士奉之凡王之燕飲酒共其計酒正奉之凡饗士庶子饗耆老孤子皆共其酒無酌數掌酒之賜頒皆有法以行之凡有秩酒者以書契授之酒正之出日入其成月入其要小宰聽之歲終則會唯王及后之飲酒不會以酒式誅賞酒入掌為五齊三酒祭祀則共奉之以役

世婦共賓客之禮酒飲酒而奉之凡事共  
酒而入于酒府凡祭祀共酒以往賓客之  
陳酒亦如之  
漿人掌共王之六飲水漿醴涼醫酏入于  
酒府共賓客之稍禮共夫人致飲于賓客  
之禮清醴醫酏糟而奉之凡飲共之  
凌人掌冰正歲十有二月令斬冰三其凌  
春始治鑑凡外內饗之膳羞鑑焉凡酒漿

之酒醴亦如之祭祀共冰鑑賓客共冰大  
喪共夷槃冰夏頒冰掌事秋刷  
籩人掌四籩之實朝事之籩其實粢黃白  
黑形鹽脯鮑魚鱠饋食之籩其實棗栗桃  
乾糝榛實加籩之實菱芡栗脯羞籩之實  
糗餌粉養凡祭祀共其籩薦羞之實喪事  
及賓客之事共其薦籩羞籩為王及后世  
子共其內羞凡籩事掌之

醢人掌四豆之實朝事之豆其實韭菹醢  
 醢昌本麩鷄菁菹鹿鷄芥菹麩鷄饋食之  
 豆其實葵菹羸醢脾析蠹醢蜃蚘醢豚拍  
 魚醢加豆之實芥菹兔醢深蒲醢落菹  
 鴈醢箭菹魚醢羞豆之實醢食糝食九祭  
 祀共薦羞之豆實賓客喪紀亦如之為王  
 及后世子共其內羞王舉則共醢六十壘  
 以五齊七醢七菹三鷄實之賓客之禮共

醢五十壘九事共醢  
 醢人掌共五齊七菹九醢物以共祭祀之  
 齊菹九醢醬之物賓客亦如之王舉則共  
 齊菹醢物六十壘共后及世子之醬齊菹  
 賓客之禮共醢五十壘九事共醢  
 鹽人掌鹽之政令以共百事之鹽祭祀共  
 其苦鹽散鹽賓客共其形鹽散鹽王之膳  
 羞共節鹽后及世子亦如之九齊事齊鹽

以待戒令  
 幕人掌共巾幕祭祀以疏布巾幕六尊以  
 畫布巾幕六彝凡玉巾皆黼  
 官人掌王之六寢之脩為其井廛除其不  
 蠲去其惡臭共王之沐浴凡寢中之事掃  
 除執燭共鑪炭凡勞事四方之舍事亦如  
 之  
 掌舍掌王之會同之舍設桯板并重設車

宮轅門為壇墻宮棘門為帷宮設旌門無  
 宮則共入門凡舍事則掌之  
 幕人掌帷幕幄帟綬之事凡朝覲會同軍  
 旅田役祭祀共其帷幕幄帟綬大喪共帷  
 幕帟綬三公及卿大夫之喪共其帟  
 掌次掌王之法以待張事王大旅上帝  
 則張氈案設皇邸朝日祀五帝則張大次  
 小次設重帟重案合諸侯亦如之師田則

張幕設重帘重案諸侯朝覲會同則張大  
次小次師田則張幕設案孤卿有邦事則  
張幕設案凡喪王則張帘三重諸侯再重  
孤卿大夫不重凡祭祀張其幕張尸次  
射則張耦次掌凡邦之張事  
大府掌九貢九賦九功之貳以受其貨賄  
之入頒其貨于受藏之府頒其賄于受用  
之府凡官府都鄙之吏及執事者受財用

焉凡頒財以式灋授之關市之賦以待王  
之膳服邦中之賦以待賓客四郊之賦以  
待稍秣家削之賦以待匪頒邦甸之賦以  
待工事邦縣之賦以待幣帛邦都之賦以  
待祭祀山澤之賦以待喪紀幣餘之賦以  
待賜予凡邦國之貢以待乎用凡萬民之  
貢以充府庫凡式貢之餘財以共玩好之  
用凡邦之賦用取具焉歲終則以貨賄之

入出會之

王府掌王之金玉玩好兵器九良貨賄之  
藏共王之服玉佩玉珠玉王齊則共食王  
大喪共含王復衣裳角枕角柶掌王之燕  
衣服衽席床第九襲器若合諸侯則共珠  
槃玉敦九王之獻金玉兵器文織良貨賄  
之物受而藏之九王之好賜共其貨賄  
內府掌受九貢九賦九功之貨賄良兵良

器以待邦之大用九四方之幣獻之金玉  
齒革兵器九良貨賄入焉九適四方使者  
共其所受之物而奉之九王及冢宰之好  
賜予則共之  
外府掌邦布之入出以共百物而待邦之  
用凡有法者共王及后世子之衣服之用  
凡祭祀賓客喪紀會同軍旅共其財用之  
幣齎賜予之財用九邦之小用皆受之歲

終則會唯王及后之服不會

司會掌邦之六典八法八則之貳以逆邦國都鄙官府之治以九貢之法致邦國之財用以九賦之法令田野之財用以九功之法令民職之財用以九式之法均節邦之財用掌國之官府郊野縣都之百物財用九在書契版圖者之貳以逆羣吏之治而聽其會計以參互攷日成以月要攷月

成以歲會攷歲成以周知四國之治以詔王及冢宰廢置

司書掌邦之六典八法八則九職九正九事邦中之版土地之圖以周知入出百物以叙其財受其幣使入于職幣凡上之用財用必攷于司會三歲則大計羣吏之治以知民之財器械之數以知田野夫家六畜之數以知山林川澤之數以逆羣吏之



徵令凡稅斂掌事者受法焉及事成則入  
 要貳焉凡邦治攷焉  
 職內掌邦之賦入辨其財用之物而執其  
 總以貳官府都鄙之財入之數以逆邦國  
 之賦用凡受財者受其貳令而書之及會  
 以逆職歲與官府財用之出而叙其財以  
 待邦之移用  
 職歲掌邦之賦出以貳官府都鄙之財出

賜之數以待會計而攷之凡官府都鄙羣  
 吏之出財用受式灋于職歲凡上之賜予  
 以叙與職幣授之及會以式灋贊逆會  
 職幣掌式灋以斂官府都鄙與凡用邦財  
 者之幣振掌事者之餘財皆辨其物而奠  
 其錄以書揭之以詔上之小用賜予歲終  
 則會其出凡邦之會事以式灋贊之  
 司裘掌為大裘以共王祀天之服中秋獻

良裘王乃行羽物季秋獻功裘以待頒賜  
王大射則共虎侯熊侯豹侯設其鵠諸侯  
則共熊侯豹侯卿大夫則共麋侯皆設其  
鵠大喪窆裘飾皮車九邦之皮事掌之歲  
終則會唯王之裘與其皮事不會  
掌皮掌秋斂皮冬斂革春獻之遂以式法  
頒皮革于百土共其毳毛為氈以待邦事  
歲終則會其財齎

內宰掌書敎圖之法以治王內之政令均  
其稍食分其人民以居之以陰禮教六宮  
以陰禮教九嬪以婦職之法教九御使各  
有屬以作二事正其服禁其奇衰展其功  
緒大祭祀后裸獻則贊瑤爵亦如之正后  
之服位而詔其禮樂之儀贊九嬪之禮事  
凡賓客之裸獻瑤爵皆贊致后之賓客之  
禮凡喪事佐后使治外內之命婦正其服

位<sup>ラ</sup>允<sup>ニ</sup>建<sup>ル</sup>國<sup>ヲ</sup>佐<sup>テ</sup>后<sup>ヲ</sup>立<sup>テ</sup>而<sup>テ</sup>設<sup>ケ</sup>其<sup>ノ</sup>次<sup>ヲ</sup>置<sup>キ</sup>其<sup>ノ</sup>叙<sup>ヲ</sup>正<sup>ス</sup>其<sup>ノ</sup>肆<sup>ヲ</sup>陳<sup>ス</sup>其<sup>ノ</sup>貨<sup>ヲ</sup>賄<sup>フ</sup>出<sup>ス</sup>其<sup>ノ</sup>度量<sup>ヲ</sup>淳<sup>シ</sup>制<sup>ス</sup>祭<sup>ル</sup>之<sup>ヲ</sup>以<sup>テ</sup>陰<sup>ニ</sup>禮<sup>ス</sup>中<sup>ニ</sup>春<sup>ニ</sup>詔<sup>シ</sup>后<sup>ニ</sup>帥<sup>テ</sup>外<sup>ニ</sup>內<sup>ニ</sup>命<sup>シ</sup>婦<sup>ヲ</sup>始<sup>メ</sup>蠶<sup>ス</sup>于<sup>テ</sup>北<sup>ニ</sup>郊<sup>ニ</sup>以<sup>テ</sup>為<sup>ス</sup>祭<sup>ス</sup>服<sup>ニ</sup>歲<sup>ニ</sup>終<sup>ニ</sup>則<sup>チ</sup>會<sup>ニ</sup>內<sup>ニ</sup>人<sup>ノ</sup>之<sup>ノ</sup>稍<sup>ニ</sup>食<sup>ヲ</sup>替<sup>フ</sup>其<sup>ノ</sup>功<sup>ヲ</sup>事<sup>ヲ</sup>佐<sup>テ</sup>后<sup>ヲ</sup>而<sup>テ</sup>受<sup>ク</sup>獻<sup>ス</sup>功<sup>者</sup>比<sup>シ</sup>其<sup>ノ</sup>小<sup>ト</sup>大<sup>ト</sup>與<sup>テ</sup>其<sup>ノ</sup>慶<sup>ヲ</sup>良<sup>ニ</sup>而<sup>テ</sup>賞<sup>ス</sup>罰<sup>ス</sup>之<sup>ヲ</sup>會<sup>ニ</sup>內<sup>ニ</sup>宮<sup>ノ</sup>之<sup>ノ</sup>財<sup>ヲ</sup>用<sup>ヲ</sup>正<sup>ス</sup>歲<sup>ニ</sup>均<sup>シ</sup>其<sup>ノ</sup>稍<sup>ニ</sup>食<sup>ヲ</sup>施<sup>ス</sup>其<sup>ノ</sup>功<sup>ヲ</sup>事<sup>ヲ</sup>憲<sup>ス</sup>禁<sup>ス</sup>令<sup>ヲ</sup>于<sup>テ</sup>王<sup>ノ</sup>之<sup>ノ</sup>北<sup>ニ</sup>宮<sup>ニ</sup>而<sup>テ</sup>糾<sup>ス</sup>其<sup>ノ</sup>守<sup>ヲ</sup>上<sup>ニ</sup>春<sup>ニ</sup>詔<sup>シ</sup>王<sup>ノ</sup>后<sup>ニ</sup>帥<sup>テ</sup>六<sup>ノ</sup>宮<sup>ノ</sup>之<sup>ノ</sup>人<sup>ヲ</sup>而<sup>テ</sup>生<sup>シ</sup>種<sup>ヲ</sup>種<sup>ヲ</sup>之<sup>ノ</sup>種<sup>ヲ</sup>而<sup>テ</sup>獻<sup>ス</sup>

之于王<sup>ニ</sup>內<sup>ニ</sup>小<sup>ノ</sup>臣<sup>ハ</sup>掌<sup>リ</sup>王<sup>ノ</sup>后<sup>ノ</sup>之<sup>ノ</sup>命<sup>ヲ</sup>正<sup>ス</sup>其<sup>ノ</sup>服<sup>ヲ</sup>位<sup>ヲ</sup>后<sup>ノ</sup>之<sup>ノ</sup>出<sup>入</sup>則<sup>チ</sup>前<sup>ニ</sup>驅<sup>ス</sup>若<sup>シ</sup>有<sup>シ</sup>祭<sup>ス</sup>祀<sup>ス</sup>賓<sup>ニ</sup>客<sup>ノ</sup>喪<sup>ニ</sup>紀<sup>ス</sup>則<sup>チ</sup>擯<sup>シ</sup>詔<sup>シ</sup>后<sup>ノ</sup>之<sup>ノ</sup>禮<sup>ヲ</sup>事<sup>ヲ</sup>相<sup>シ</sup>九<sup>ノ</sup>嬪<sup>ノ</sup>之<sup>ノ</sup>禮<sup>ヲ</sup>事<sup>ヲ</sup>正<sup>ス</sup>內<sup>ニ</sup>人<sup>ノ</sup>之<sup>ノ</sup>禮<sup>ヲ</sup>事<sup>ヲ</sup>徹<sup>ス</sup>后<sup>ノ</sup>之<sup>ノ</sup>俎<sup>ヲ</sup>后<sup>ノ</sup>有<sup>シ</sup>好<sup>シ</sup>事<sup>ヲ</sup>于<sup>テ</sup>四<sup>ノ</sup>方<sup>ニ</sup>則<sup>チ</sup>使<sup>シ</sup>往<sup>シ</sup>有<sup>シ</sup>好<sup>シ</sup>令<sup>ヲ</sup>于<sup>テ</sup>卿<sup>ノ</sup>大<sup>ノ</sup>夫<sup>ニ</sup>則<sup>チ</sup>亦<sup>シ</sup>如<sup>シ</sup>之<sup>ノ</sup>掌<sup>ル</sup>王<sup>ノ</sup>之<sup>ノ</sup>陰<sup>ニ</sup>事<sup>ヲ</sup>陰<sup>ニ</sup>令<sup>ヲ</sup>閹<sup>人</sup>掌<sup>ル</sup>守<sup>ル</sup>王<sup>ノ</sup>宮<sup>ノ</sup>之<sup>ノ</sup>中<sup>ニ</sup>門<sup>ノ</sup>之<sup>ノ</sup>禁<sup>ヲ</sup>喪<sup>ニ</sup>服<sup>ニ</sup>凶<sup>ニ</sup>器<sup>ヲ</sup>不<sup>レ</sup>入<sup>ル</sup>宮<sup>ニ</sup>潛<sup>ニ</sup>服<sup>ニ</sup>賊<sup>ニ</sup>器<sup>ヲ</sup>不<sup>レ</sup>入<sup>ル</sup>宮<sup>ニ</sup>奇<sup>ニ</sup>服<sup>ニ</sup>怪<sup>ニ</sup>民<sup>ヲ</sup>不<sup>レ</sup>入<sup>ル</sup>宮<sup>ニ</sup>

凡内人公器賓客無帥則幾其出入以時  
 啓闔凡外内命夫命婦出入則為之關掌  
 掃門庭大祭祀喪紀之事設門燎蹕官門  
 廟門凡賓客亦如之  
 寺人掌玉之内人及女官之戒令相道其  
 出入之事而糾之若有喪紀賓客祭祀之  
 事則帥女官而致於有司佐世婦治禮事  
 掌内人之禁令凡内人弔臨于外則帥而

往立于其前而詔相之  
 内豎掌内外之通令凡小事若有祭祀賓  
 客喪紀之事則為内人蹕王后之喪遷于  
 宮中則前蹕及葬執執器以從遣車  
 凡嬪掌婦學之法以教凡御婦德婦言婦  
 容婦功各帥其屬而以時御叙于王所凡  
 祭祀贊玉盥贊后薦徹籩豆若有賓客則  
 從后大喪帥叙哭者亦如之

世婦掌祭祀賓客喪紀之事帥女宮而濯  
概為盥盛及祭之日涖陳女宮之具凡內  
羞之物掌帛臨于卿大夫之喪  
女御掌叙御于王之燕寢以歲時獻功事  
凡祭祀贊世婦大喪掌沐浴后之喪持綏  
從世婦而帛於卿大夫之喪  
女祝掌王后之內祭祀凡內禱祠之事掌  
以時招梗禴禳之事以除疾殃

女史掌王后之禮職掌內治之貳以詔后  
治內政逆內宮書內令凡后之事以禮從  
典婦功掌婦式之灋以受嬪婦及內人女  
功之事齋凡受嬪婦功及秋獻功辨其苦  
良比其小大而賈之物書而揭之以共王  
及后之用頒之于內府  
典絲掌絲入而辨其物以其價揭之掌其  
藏與其出以待興功之時頒絲于外內工

皆以物授之凡上之賜予亦如之及獻功  
則受良功而藏之辨其物而書其數以待  
有司之政令上之賜予凡祭祀共黼畫組  
就之物喪紀共其絲纊組文之物凡飾邦  
器者受文織絲組焉歲終則各以其物會  
之以  
典泉掌布總縷紵之麻草之物以待時頒  
功而授齎及獻功受苦功以其價賜而藏

之以待時頒衣服授之賜予亦如之歲  
終則各以其物會之  
內司服掌王后之六服褱衣褵狄闕狄鞠  
衣展衣緣衣素沙辨外內命婦之服鞠衣  
展衣緣衣素沙凡祭祀賓客共后之衣服  
及九嬪世婦凡命婦共其衣服共喪衰亦  
如之后之喪共其衣服凡內具之物  
縫人掌王宮之縫線之事以役女御以縫

王及后之衣服喪縫棺飾焉衣翬柳之枝キスチ掌九内之縫事ツク

染人掌染絲帛九染春暴練夏纁玄秋染サシ

夏冬獻功掌九染事ツク

追師掌王后之首服為副編次追衡筭為ツク

九嬪及外内命婦之首服以待祭祀賓客ツク

喪紀共筭經亦如之ツク

籥人掌王及后之服籥為赤鷩黑鷩赤纁ツク

黃纁青絢素纁葛纁辨外内命夫命婦之ツク

命籥功籥散籥九四時之祭祀以宣服之ツク

夏采掌大喪以冕服復于大祖以乘車建ツク

綏復于四郊ツク

周禮天官終

